

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Khawvel pum huap World Environment Day 2025 chu vawiin khan Mizoramah pawh pawh hman a ni.
- 2. Chief Minister Pu Lalduhoman a bial, Serchhip, Thenzawl, Buangpui leh Neihloh khuaa tunhnaia ruah nasa vanga chhiatna thlenna hmun te a tlawh.
- 3. Prime Minister Narendra Modia chuan kum 11 NDA a sawrkar tawh chhungin mi retheite hmasawnna turin theihtawp a chhuah tih a sawi.
- 4. Sikkim-a khualzin tuillian tuarte chhanchhuah hna thawh mek chu khawchhia avangin chawlh lailawk a ni



WORLD ENVIRONMENT DAY

Khawvel pum huap World Environment Day 2025 chu vawiin khan Mizoramah pawh pawh hman a ni a,

A hmanna pui ber Aizawl Vanapa Hall ah chuan Mizoram Pollution Control Board (MPCB) leh UD&PA Department tangkawp in Plastic hmang tawh lo tura inzirtirna hun an hmang a, UD&PA Minister Pu K. Sapdanga leh Forest Minister Pu Lathansanga ten an hmanpui a, kalkhawm ten environment chhe zêl tur vêng tura intiamna hun an hmang a ni.

UD&PA Minister Pu K Sapdanga chuan he hunah hian Adopt a dustbin tih hmalakna hnuaiah mimal ang emaw, chhungkua, pawl leh thianho anga bawlhhlawh bawm te chu adopt theih anih thu a puang a. Bawlhhlawh bawm adopt ina a tum chu mimal emaw, pawl emaw chhungkua in bawlhhlawh bawm enkawl a vawngfai tura in tiamna a ni a, bawlhhlawh bawm abopt duh chuan UD&PA website bakah social media ah te sawiin vawiin ni atangin a duh apiang tan adopt theih a ni.

Pu Sapdanga chuan kumina thupui plastic free tih hman a ni chu tha a tiin, hmuh theih leh khawtlang tibuai a environment ti bawlhhlawh ber tu chu Plastic a ni ati. Hmanni lawka Vanapa Hall kawt a lirthei leh mihring kal tibuai khawp a tui tlin chhan pawh chhui chian na ah plastic bottle in kawr a hnawh nasa lutuk vang a ni a ti a, bottle 82 lai thawktu ten an lak chhuah thu a sawi a, mipuite chu khawpui lai ber ah pawh plastic paihna ah an paih lo thina chu chuan harsatna bakah environment ati chhe thin a ni ati.

Mizorama tunlai a tui lian nasa lutuk thin chu ennvironment chhe zel vang a ni ati a, lui ti bawhlawh tu leh a in tu chu mihring bawk a ni a, a at thlak takzet a ni a ti. Tunlaia buaipui awm em em chu leimin a ni a, leimin chhan chhui chuan environment chhiat vang leh bawhlawh paih uluk loh vang a ni ati a, heng bawhlawh ah hian plastic a tam ber a ni ati bawk.

Forest Minister Pu Lathansanga pawhin thusawiin Plastic Waste Management rule dan fel tak a awm a ti a, mipui in dan an zawm that chuan ram chu a nuam in a hrisel dawn a ni ati, Tunlai ram environment ti chhe ber tu a ngaih chu plastic a ni a ti.

Vawiin khan Central YMA bultumin World Environment Day pual in Aizawl Tuikual lui thenfai hnatlang neih a ni a, hruaitu leh member thahnem tak lui tifai tur hian an thawk chhuak a ni.

Lunglei ah chuan Northeast Initiative Development Agency(NEIDA) leh Lunglei Forest Division te tangkawp in World Environment Day pual in Summual Zau, Vanhne ah thing tiak 100 phun a ni a.

Champhai Dist ah chuan, VKSA Team 1, 2 leh 3 Champhai DC, Khawzawl DC leh Krishi Vigyan Kendra (KVK) hoa lo din tawh te chuan World Environment Day pualin khaw hrang hrang Champhai, New Champhai, Tlamsam, Hmunhmeltha, N. Khawbung, Zotlang leh Chhungte te an tlawh a. Sorkar Scheme hrang hrang kalpui lai kuthnathawktute hnenah an hrilh a, thlai natna leh rannung laka inven dante, Fall Army Worm (Vaimim natna) zirtirna te an nei bawk. Tunlaia Vawk vulhtute tana lar em em vawk natna ASF laka inven dante pawh zirtir an ni bawk.

Kolasib ah UD&PA Department hmalakna in Amrut Mitra hnuaia Women for Trees Phase 2 pualin Kolasib Khuangpuilam-a Susan Downs Boarding School ah thing phun a ni. He Women For Trees campaign hi kumin chhung a kalpui tur a tih a ni a. Vawiin khan thing tiak 60 chuang phun niin, thla ruk chhung SHG te hian an enkawl dawn a ni. Thing phunna hmun hi Susane Downs Boarding School kawt leh DUDO & Staff Quarters, Khuangpuilam bul a ni.

Khawzawlah chuan World Environment Day lawm pahin Women for Trees campaign hawn a ni a. UD&PA bultumin Govt. Hermon Middle Sikul leh MUP Tuikhurah World Environment Day lawmna hun hman a ni a, AMRUT Mitra hnuaia Women for Trees campaign (Ek Ped Maa ke Naam) hawnna hun hman a ni bawk.

Lawngtlai ah chuan World Environment Day hi, LADC a Environment, Forest and Climate Change Department, District Hub for Empowerment of Women (DHEW) DPO, Women and Child Development Office, Lawngtlai leh 3rd IR Batallion ten hmangin, Lawngtlai bul Thingkah rama 3rd IR Batallion hmunpui ah Thingtiak 500 an phun a, heng an thingphunte hi 3rd IR Batallion lam chuan an enkawl chhunzawm ang.

<><><>

CM

Chief Minister Pu Lalduhoman a bial, Serchhip, Thenzawl, Buangpui leh Neihloh khuaa tunhnaia ruah nasa vanga chhiatna thlenna hmun te a tlawh a.

Chief Minister hian Serchhipah bul tanin P& E venga in chimna hmun te, Chandmary venga in chimna te, Tuikhuah venga leiminna hmu te, Sesah luia chhiatna thlenna leh Dinthar venga in chimna hmun te a tlawh.

Chief Minister hian Buangpui pan lehin Buangpui Mini Community Hall-ah khawtlang hruaitute leh official te nen inkawmna an nei leh a, chhiatna thlenna hmun te a en bawk. Neihloh khua pan lehin khawtlang hruaitute nen inkawmna an nei leh a, khawchhung an fang bawk. Neihloh hi tlawhpawh theih lohvin an awm reng a, vawiin hian an khaw kawng hi a tlang ve chiah a, Chief Minister hian a tlawh nghal a ni.

Neihloh khua a tlawh zawh hian Thenzawlah chhiatna thlenna hmun hrang hrang te a fang leh bawk.

Khaw hrang hranga khawtlang hruaitute nena an inkawmnaah hian Chief Minister chuan, khuarel chhiatna a lo thlen hian intanpui a, inpeizawn liam liam a ngai thin a ti a. Tun tum chhiatna vanga hnam dang khualzin, kawnga tangkhangte pawhin Mizo mipuite chet dan an fak viauin a hria a, an inpuih tawn thinna chu a ri hi a ring hle a ni, a ti.

Sawrkhar chuan theihtawp chhuahin hma a la zel dawn a, vanduaia tawh te hnena tanpuina pek tur chite pawh a rang lama pek zel kan tum a ni. Central sawrkarah pawh a rang lamin thlen a ni ang, a ti.

<><><>

VKSA

Agriculture leh a kaih nawih a thar chhuah alo pun theih na atan loneitute hnenah thiamna tunlai ber ber hrilh hre tura ram pum puia campaign beihpui thlak na Vikshit krishi Sankalp Abhiyan (VKSA) chu sorkar laipui Ministry of Agriculture hnuaiah kalpui mek a ni a,

Indian Council of Agriculture Research(ICAR) bultumin Line department zawng zawng nen a tangrual a beihpui hi thlak a ni a. Krishi Vigyan Kendra (KVK) awmna district angin district ah ruahmanna siam a ni a, district tinah nitin team pathum insiamin heng team te hian khaw pathum ah campaign hi nei tura ruahman a ni a, campaign hi kalpui mek zel a ni.

Mizoram sorkar Directorate of Agriculture, Joint Director Pu B Ramnunsanga chuan VKSA chu kumin May 29 khan kalpui tan ani ati a, tun hnaia Mizorama ruah sur nasat avangin he campaign hi chawlh lailawk niin, a hun tiam chin pawh pawhsei a ngaih tur thu a sawi a. Report dawn danin nimin thleng khan khaw 217 ah loneitu mipa 10693 leh hmeichhia 8211 an vaiin 19174 te hnen ah campaign hi neih a ni tawh a ni.

<><><>

EK BHARAT SHRESTHA BHARAT

Ek Bharat Shreshtha Bharat hmalakna hnuaiah Larsap, Gen (Retd) Vijay Kumar Singh a hovin vawiin khan Sikkim, Goa, Telengana leh West Bengal-te, state puitlinga hlankai ni 'Foundation Day' lawmna chu Raj Bhavan Durbar Hall ah neih a ni.

Larsap chuan India rama State leh UT te dinchamphaphak lawmna chu Prime Minister hmalakna, 'Ek Bharat Shreshtha Bharat' hnuaia kalpui a nih thu leh, Raj Bhavan leh Raj Niwas tinahte hetiang programme hi neih thin a nih thu a sawi a. Ek Bharat Shreshtha Bharat programme-ah hian State leh UT hrang hrangte chanchin leh hnam ziarangte pholan thin niin, hnam ziarang leh nunphung danglam tak tak kara inlungualna leh inunauna tha a awm theih nan buatsaih a ni, a ti bawk.

Mizoram Larsap chuan Sikkim chu state mawi tak, India rama organic state hmasa ber a nih thu leh nauban lak khawma zirchianna 'orchid herbarium' awmna a nih thu a sawi a. Goa chu tuipui kam state mawi tak, khualzinte tlawh nasat leh hmasawn chak tak a nih thu a sawi a. Telengana chu tunhnai leh hmanlai hnam ziarangte mawi leh inrem taka inchawhpawlhna bakah India rama Information Technology hmunpui a nih thu a sawi a. West Bengal chu chanchin ropui tak nei, khawtlang nun siamthat leh zalenna soal kawnga hruaitu pawimawh tam takte lo chhuahna a nih thu a sawi bawk.

Ek Bharat Shreshtha Bharat programme hian India rama State leh UT hnuaia cheng hnam hrang hrang, hnam ziarang leh nunphung inang lo tak takte inkara inpawhna tha zawk siam leh inhriatthiamtawnna nasa zawk siam a tum a. He programme kaltlang hian India rama State leh UT hrang hrangte dinchamphaphak Foundation Day lawmna chu Raj Bhavan, Mizoramah Governor kaihhruaiin June, 2023 atang khan buatsaih tan a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

NDA 11 YEARS

Prime Minister Narendra Modia chuan kum 11 NDA a sawrkar tawh chhungin mi retheite hmasawnna turin theihtawp a chhuah tih a sawi. Pu Modia chuan sawrkarin retheihna umbo tur leh khua leh tuite tihmasawn turin hmasawnna huapzo a kalpui a ti a. PM Modia chuan hmalakna pawimawh tak tak PM Awas Yojana, PM Ujjwala Yojana, Jan Dhan Yojana leh Ayushman Bharat te a kalpui a. Heng hmalakna hain chenna in tha, eirawngbawlna thianglim, bank service tha leh healthcare tha a pe a ni a ti.

SFX

NDA kum 11 tlin pualin Education leh Sports lama hmalakna langsar zualte tarlang ila. Zirna lamah sawrkar chuan bulthut tha zawk nei turin

theihtawp a chhuah a. National Education Policy (NEP) 2020 hnuaiah sawrkarin preschool atanga secondary level thlengin kum 2010 hmaa naupang zawng zawng sikul kai tir a tum a. @035 ah zirna sang zawkah mi zaa 50 tal dah luh a tum a ni a. PM SHRI Yojana hmangin sikul 14500 tih changtlun a ni tawh bawk.

Kum 2014 atangin zirna in sang IIT, IIM leh AIIMS te tihpun an ni bawk.

Infiamna lamah sawrkar chuan Khelo India hnuaiah training centre 1000 chuang a din tawh a. Infiammi thalai 3000 chuangin kumtin tanpuina cheng nuai 6.28 an dawng bawk a ni.

<><><>

UNION RAILWAY

Union Railway Minister Ashwini Vaishnaw chuan Indian railways in boruak bawlhhlawh pe chhuak tlem turin hma a lak thu a sawi. PU Vaishnaw chuan he an hmalakna hi kum 2070 hmaa boruak bawlhhlawh pek chhuah zawng zawng tihtawp tuma Prime Minister Modia Panchamrit bituk nen pawh a kalkawp tih a sawi a. Chanchinbu tana a thuziahah he thu hi tarlangin Pu Vaishnaw chuan Indian Railways chuan boruak bawlhhlawh a pekchhuah ti tlem turin kil tin atangin a thawk a ti.

<><><>

FLOOD

Sikkim-a khualzin tuillian tuarte chhanchhuah hna thawh mek chu khawchhia avangin chawlh lailawk a ni. Thudawn danin Chaten-a tuilian avanga khualzin tangkhang mekte chu sipai thawhlan MI17 helicopter pahnih hmanga thiar an ni a. Mi 109 zinga 63 thiarchhuah tawh an ni.

Hetihlai hian Assam ah chuan ruah ala sur nasat avangin tuilian a la kam lova. District 19 chhunga cheng mi nuai 6 in harsatna an tawh mek a. Tuilian avanga chhiatna thlengah mi 14 an thi tawh a ni.

<><><>